


武英殿二十四史

史記

漢 太史公 撰
宋 中郎 外兵曹 參 軍 裴 駰 集 解
唐 國子博士 弘文館 學士 司馬 貞 索 隱
唐 諸王 侍讀 率府 長 史 張 守 節 正 義



史記卷六十二

漢

太

史令司馬遷 撰



宋

中 郎外兵曹參軍裴

駟集解

唐國子博士弘文館學士司馬貞索隱

唐諸王侍讀率府長史 張守節正義

管晏列傳第二

管仲夷吾者潁上人也

索隱潁水名地理志潁水出陽城漢有潁陽臨潁二縣今亦有潁上縣正義韋昭云夷吾姬姓之後管嚴之子

敬仲也

少時常與鮑叔牙游鮑叔知其賢管仲貧困常欺鮑叔

索隱呂氏春秋管仲與鮑叔同賈南

陽及分財利而管仲嘗欺鮑叔多自取鮑叔知其有母而貧不以為貪也

鮑叔終善遇之不以為言已而鮑叔事齊

公子小白管仲事公子糾及小白立為桓公公子糾死管仲囚焉鮑叔遂進管

仲

正義齊世家云鮑叔牙曰君將治齊則高偃與叔牙足矣君且欲霸王非管夷吾不可夷吾所居國國重不可失也於是桓公從之韋昭云鮑叔齊大夫

姒姓之後鮑叔之子叔牙也

管仲既用任政於齊

正義管子云相齊以九惠之教一曰老二曰慈三曰孤四曰疾五曰獨六曰病七曰

史記卷六十二

通八曰賑九曰絕也

齊桓公以霸九合諸侯一匡天下管仲之謀也管仲曰吾始困時嘗

與鮑叔賈

正義賈音古

分財利多自與鮑叔不以我為貪知我貧也吾嘗為鮑叔謀

事而更窮困鮑叔不以我為愚知時有利不利也吾嘗三仕三見逐於君鮑叔

不以我為不肖知我不遭時也吾嘗三戰三走鮑叔不以我怯知我有老母也

公子糾敗召忽死之吾幽囚受辱鮑叔不以我為無耻知我不羞小節而耻功

名不顯於天下也生我者父母知我者鮑子也鮑叔既進管仲以身下之子孫

世祿於齊有封邑者十餘世

索隱按系本云莊仲山產敬仲夷吾夷吾產武子鳴鳴產桓子啟方啟方產成子孺孺產莊子盧盧

產悼子其夷其夷產襄子武武產景子耐涉耐涉產微凡十代系譜同

常為名大夫天下不多管仲之賢而多鮑

叔能知人也管仲既任政相齊

正義國語云齊桓公使鮑叔為相辭曰臣之不若夷吾者五寬和惠民不若也治國家不失其

柄不若也忠惠可結於百姓不若也制禮義可法於四方不若也執枹鼓立於軍門使百姓皆加勇不若也

以區區之齊在海濱

齊國東濱海也

通貨積財富國彊兵與俗同好惡故其稱曰

索隱是夷吾著書所稱管子者其書有此言故略舉

其倉廩實而知禮節衣食足而知榮辱上服度則六親固

正義上之服御物有制度則六親堅固也

六親謂外祖父母一父母二姊妹三妻兄弟之子四
從母之子五女之子六也王弼云父母兄弟妻子也

維一曰禮二曰義
三曰廉四曰恥
下令如流水之原令順民心故論卑而易行正義言為政令卑下鮮少而百

姓易作
行也
俗之所欲因而予之俗之所否因而去之其為政也善因禍而為福轉

敗而為功貴輕重索隱輕重謂錢也
慎權衡正義輕重謂恥辱也權衡謂得失

之慎桓公實怒少姬索隱按謂怒蕩舟之姬
南襲蔡管仲因而伐楚責包茅不入

貢於周室桓公實北征山戎而管仲因而令燕脩召公之政於柯之會正義今齊州東

也阿桓公欲背曹沫之約索隱沫音昧亦音末左傳
管仲因而信之正義以劫許之歸魯侵地

諸侯由是歸齊故曰知與之為取政之寶也索隱老子曰將欲取之必固與之是知此為政之所寶也
管仲

富擬於公室有三歸反坫正義三歸三姓女
齊人不以為侈管仲卒正義括地志云管仲

冢在青州臨淄縣南二十一里牛山之阿說苑云齊桓公使管仲治國管仲對

曰賤不能臨貴桓公以為上卿而國不治曰何故管仲對曰貧不能使富桓公

賜之齊市租而國不治桓公曰何故對曰疏不能制近桓公立以為仲父齊國

大安而遂霸天下孔子曰管仲之賢而不得此三權者亦不能使其君南面而

伯稱齊國遵其政常彊於諸侯後百餘年而有晏子焉

史記卷六十一

二

晏平仲嬰者萊之夷維人也集解劉向別錄曰萊者今東萊地也
索隱名嬰平

百里夷安即晏平仲之邑漢為夷
安縣屬高密國應劭云故萊夷維邑
事齊靈公莊公景公
索隱按系家及系本

景公名
杵臼也
以節儉力行重於齊既相齊食不重肉妾不衣帛其在朝君語及之即

危言正義謂己謙讓非云功能
語不及之即危行正義行下孟反謂君不知己增脩業行畏責及也
國有道即順命

無道即衡命正義衡秤也謂國無道
以此三世顯名於諸侯越石父賢在縲紲

中正義縲音力追反縲黑索也紲繫也晏子春秋云晏子之晉至中牟睹樊冠

反裘負薪息於途側晏子問曰何者對曰我石父也苟免飢凍為人臣僕晏

子解左驂贖之載與俱
晏子出遭之塗解左驂贖之載歸弗謝入閨久之越石

父請絕晏子懼然正義懼
攝衣冠謝曰嬰雖不仁免子於厄何子求絕之速也

石父曰不然吾聞君子詘於不知己而信於知己者索隱信讀曰申古周禮皆然也申於知己謂以彼知

我而我
志獲申
方吾在縲紲中彼不知我也夫子既已感寤而贖我是知己知己而無

禮固不如在縲紲之中晏子於是延入為上客晏子為齊相出其御之妻從門

間而闚其夫其夫為相御擁大蓋策駟馬意氣揚揚甚自得也既而歸其妻請

去夫問其故妻曰晏子長不滿六尺身相齊國名顯諸侯今者妾觀其出志念深矣常有以自下者今子長八尺乃為人僕御然子之意自以為足妾是以求去也其後夫自抑損晏子怪而問之御以實對晏子薦以為大夫集解皇覽曰晏子冢在臨菑城西南淄水南桓公冢西北
正義注皇覽云晏子冢在臨淄城南菑水南桓公冢西北括地志云齊桓公墓在青州臨淄縣東南二十三里鼎足上又云齊晏嬰冢在齊子城北門外晏子云吾生近市死豈易吾志乃葬故宅後人名曰清節里按恐皇覽誤乃管仲冢也

太史公曰吾讀管氏牧民山高乘馬輕重九府

集解劉向別錄曰九府書民間無有山高一名形勢
索隱皆管

氏所著書篇名也按九府蓋錢之府藏其書論鑄錢之輕重故云輕重九府餘如別錄之說
正義七略云管子十八篇在法家
及晏子春秋

索隱

按嬰所著書名晏子春秋今其書有七篇故下云其書世多有也
正義七略云晏子春秋七篇在儒家
詳哉其言之也既見其著

書欲觀其行事故次其傳至其書世多有之是以不論論其軼事

正義軼音逸
管仲

世所謂賢臣然孔子小之豈以為周道衰微桓公既賢而不勉之至王乃稱霸

哉正義言管仲世所謂賢臣孔子所以小之者蓋以為周道衰微桓公賢主管仲何不勸勉輔弼至於帝王乃自稱霸主哉故孔子小之云蓋為前疑夫子小

管仲語曰將順其美匡救其惡故上下能相親也正義言管仲相齊順百姓之為此
美匡救國家之惡令君臣百

史記卷六十二

三

姓相親者是

豈管仲之謂乎方晏子伏莊公尸哭之成禮然後去

索隱按左傳崔杼弑莊公

晏嬰入枕莊公尸股而哭之成禮而出崔杼欲殺之是也
豈所謂見義不為無勇者邪至其諫說犯君之顏

此所謂進思盡忠退思補過者哉假令晏子而在余雖為之執鞭所忻慕焉

索隱

太史公之羨慕仰企平仲之行假令晏生在世已雖與之為僕隸為之執鞭亦所忻慕其好賢樂善如此賢哉良史可以示人臣之炯戒也

索隱述贊曰夷吾成霸平仲稱賢粟乃實廩豆不掩肩轉禍為福危言獲全孔賴左衽史忻執鞭成禮而去人望存焉